

## 17.25 CUNTRASTS SIN SRF 1

---

### **Rita Christen – l'emprima presidenta dals guides da muntogna svizzers**



Rita Christen è in'exceptziun. Ella è ina da las paucas dunnas guidas da muntogna. En Svizra èn quai mo gist 40, mo 2.5% dals guides svizzers èn dunnas. E lura quai: Avant dus onns elegia la Federaziun svizra dals guides da muntogna ina dunna sco lur presidenta, Rita Christen da Mustér. Sia elecziun ha procurà per massa reacziuns en las medias, tuttas unanimain positivas. Il film dals «Cuntrasts» dat in'invista en sia lavur da presidenta, el mussa dentant era la guida Rita Christen en ses ravugl famigliar e durant sia disciplina preferida, il raiver. Nus emprendain ad enconuscher ina dunna plain vita, cun ina gronda passiuin per ils culms, cun ina energia nunstanclentaivla e nus accompagnain ella sin la ruta da raiver «Schildkrötengrat».